

F. K. 52. 17) Sam. Reind Caspov.

Za
5058

PRORECTOR
ACADEMIAE VITEMBERGENSIS,
**CHRISTIANUS
VATERUS,**
PHILOS. ET MED. DOCTOR,
EIVSDEMQUE P. P. SERENISS. PRINCI-
PVM ANHALTIN. ARCHIATER, NEC
NON PHYS. PROVINCIAL. SAXON. ET NATVR.
CVRIOS. COLLEGA,
CIVIBVS ACADEMICIS
S. P. D.



Sam. Reind Caspov



Siquis unquam in omni memoria ætatum & temporum, sapientiæ studia ab ineunte ætate cum religione conjunxit, utique is fuit, & utraque laude in coetu divino floruit Theodoretus Cyri Antistes, qui Syriam, finitimasque regiones fama nominis implevit, & doctrina singulari, longo rerum usu, maximis denique virtutibus immortalem sibi gloriam comparavit. Vis ingenii summa, facultas judicandi exquisitissima, ubertas in dicendo, et copia admirabilis, interpretandi scientia, et mira in docendo facilitas movebant animos perinde ac flectebant, usque eo, ut fontibus aquæ potius, quam Theodoro verba et rerum argumenta deessent. Docebat enucleate, explicabat accurate, commentabatur diserte, illustrabat eleganter & copiose, meditabatur assidue, et mentis acie scrutabatur res sacras: tanto minus a se discedebat, coetumque Dei deserebat. Haud inferior Theodoro fuit religiosissimus Saxoniae Doctor, SAMVEL BENEDICTVS CARPZOVIUS, stirpe literatorum heroum natus, qui robur Hereuleum in profligandis reipublicae pestibus & monstris non magis ostentarunt, quam comprobarunt. Hi veram, neque simulatam sapientiam e coelo deduxerunt, et sanctioribus in toga officiis sacra, leges, ornamenta literarum naviter conservarunt, quippe a natura facti & disciplina instituti atque educati, ut fontes literarum, sine quibus ingenia,
ut

ut agri squalent incultique iacent, exarescere ne paterentur. Quo in numero vere ac merito reponendus est D. SAMUEL BENEDICTVS, aulae regali Saxonicae a consiliis et facris, vir, cui vix quisquam nostra aetate par contigit, qui ad quodcunque genus studii se contulit, aequales vicit, et in unoquoque eorum sic elaboravit, et aliis praestitit, ut primas illi ultro omnes deferrent. In dicendo tanta inerat cum gravitate conjuncta suavitas, ut meliorem non quaerent, difertioem non invenirent. Imo plus, quam Theodoretus, ingenii docilitate affectus est. Orator doctrina et usu, praecipis et arte confirmatus: Poeta mentis viribus & natura valuit, Prudentium, Venantium, Sidonium, industria et compositionis elegantia superavit, in reliquis literarum partibus sic versatus est, ut nomen eius toto terrarum orbe, sermonibus omnium iure celebretur. Tandem, non spretis, nec relictis, sed consulto sepositis hisce studiis, certos industriae suae fines praescripsit, & ab scholis, quae miseriam laborantibus praemium rependunt, ad fastigium dignitatis non precario, clam aut furtim, sed incomparabili doctrina contendit. Ita factum est, ut magna apud Regem ac Principes existimatione esset, et ob magnam excellentemque rerum sacrarum scientiam carus ab iis haberetur. Sive enim antiquum Viri genus, sive humanitatem et omnis doctrinae elegantiam, sive in tuenda veritate constantiam, sive labores, merita, ac virtutis exempla recogitarent, CARPZOVIVM patrocinio ornabant pariter ac muniebant. Rumorem vulgi, quod Viri prudentiam non capiebat, ridebant, ac pro nihilo ducebant, quasi dissimularet quasdam sententias, ad perniciem religionis excogitatas. Sciebat, cum Theodoro olim nihilo rectius actum, sed ut ille in magno patrum conventu damnavit erroris Nestorium, sic SAMUEL BENEDICTVS voce, scripto, exemplis constantem probavit ani-

PK La 5058

(X 2991255)

animum, & vafrorum errores hominum excuffit diligenter ac reiecit, prodito posteris exemplo, ut tanti doctōris veftigia perfequantur. Hoc tantum tanti faatorum antiftitis nomen, omnibus feculis memorandum, recordatione profequamur neceffe eft, quod non feptulturn in tenebris iacere, fed in luce Germaniae exfplendefcere magis debet. Quas fupremi officii partes fibi datas recte arbitratus eft Vir fume Reverendus, Doctōr & Profeffor Theologus multo celeberrimus, GOTTLIEBIVS VVERNSDORFFIVS, Alumnorum Elector. Curator graviffimus, Collegiique fui h. t. *Decanus*, meritorum maximi VIRI exiftimator gratiffimus iuxta ac difertiffimus, Collega multis nominibus obfervandus, quem ut pro concione in folemni Academiae panegyri perendie ab hora IX. praeclare graviterque dicturum, perattente audiat, volumus enixe et obfecramus. P. P. Dominica II. poft EPIPHAN. Anno clo IſCCIIIX.




WC

F.R. 52.11) Sam. Remis Capper.

Za
5038

PRORECTOR
 ACADEMIAE VITEMBERGENSIS,
CHRISTIANUS
VATERUS,
 PHILOS. ET MED. DOCTOR,
 EIVSDEMQUE P. P. SERENISS. PRINCI-
 PVM ANHALTIN. ARCHIATER, NEC
 NON PHYS. PROVINCIAL. SAXON. ET NATVR.
 CVRIOS. COLLEGA,
CIVIBVS ACADEMICIS
 S. P. D.



Sam. Remis Capper.

